

太上黃籙齋儀卷之二十五

歸三

太上黃錄齋儀卷之二十五

歸三

唐廣成先生杜光庭剛

安宅三時通用行道

入戶

各禮師存念如法

衛靈

五星列照

煥明五方

水星却災

木德致昌

熒惑消禍

太白辟兵

鎮星四據

家國利亨

名刊玉簡

字錄帝房

乘飈扇景

飛騰太空

出入冥無 遊宴十方 五雲浮蓋

招神攝風 役使萬靈 上衛仙翁

鳴法鼓二十四通

無上三天玄元始三炁太上道君召出臣身  
中三五功曹左右官使者侍香金童傳言玉

歸三

女五帝直符直日香官各三十二人出出者  
嚴裝關啓玄壇天帝神君當召此間土地里  
域真官正神急上關啓臣今奉爲入意願得  
玉清道氣靈寶妙光下降流入臣等身中即  
使玄壇清淨內外成真天無氛穢地絕妖塵

琳琅振響十方肅清萬魔不干真誠上徹令  
臣所啓之言速達徑御

太上無極大道無形無名虛無自然金闕玉  
陛下

各稱法位

具位臣某等同誠上啓

虛無自然元始天尊無極大道太上大道君  
太上老君高上玉皇十方已得道大聖衆至  
真諸君丈人三十六天帝君玉虛上帝玉帝  
大帝東華南極西靈北真玄都玉京金闕七

寶玄臺紫微上宮靈寶至真明皇道君三十  
六部尊經玄中大法師九土玉皇四司五帝  
三界應感一切真靈臣等伏聞天地權輿陰  
陽生化裁成萬象統御羣方咸承不宰之功  
共洽無爲之理洎乎大道既隱淳化不流棟

歸三

宇易巢穴之風土木興僭奢之兆由是明干  
禁忌幽犯神靈爰徵悔謝之儀應獲感通之  
妙所以三尊演教萬聖懸科五符表禳鎮之  
機三寶開懺祈之訓臣獲參真教謬處職寮  
所宜佐國立功扶危濟俗凡有詞旨敢具上

聞

讀詞

按如詞言理宜陳奏弟子某等以所居之地  
慮營葺非宜思立齋功以申禳謝謹爲按依  
科典崇設壇場燒香然燈轉經行道冀憑關  
奏俾獲感通以今某分行道請法衆等運茲  
初捻上香

願此香煙騰空徑上供養

無上至真道寶且等歸身歸命首體投地仰  
依

太上三尊願以是功德歸流

聖朝宗廟社稷尊靈騰景九清流祥萬寓保  
寧休運幽贊睿圖

皇帝德廣二儀明均兩曜野無遺逸朝富忠  
貞后妃承康泰之風中外叶和平之化今故

燒香自歸依

師尊大聖衆至真之德得道之後升入無形  
和與道合真

以今某分行道請法衆等運茲二捻上香

願此香煙騰空徑上供養

無上至真經寶臣等歸身歸命首體投地仰  
依

太上三尊願以是功德歸流弟子某家九世  
七玄億曾萬祖超離幽夜升覩光明鍊質南  
宮生神上境泊乎三塗異趣六道殊倫同沐  
薰修咸登福路今故燒香自歸依

師尊大聖衆至真之德得道之後升入無形  
和與道合真

以今某分行道請法衆等運茲三捻上香

願此香煙騰空徑上供養



無上至真師寶臣等歸身歸命首體投地仰  
依

太上三尊願以是功德歸流齋主某家六姻  
五族眷屬親緣杜厄運於將來釋罪尤於既  
往維新福作曾益年於上攸宜龍神安鎮

然後飛沉動植一切含靈共荷玄休普均洪  
澤今故燒香自歸依

師尊大聖衆至真之德得道之後升入無形  
和與道合真

禮方

懺悔

三啓頌

樂法以為妻

愛經如珠玉

持戒制六情

念道遣所欲

淡泊正氣停

蕭然神靜默

天魔並敬護

世世受大福

歸三

四

鬱鬱家國盛

濟濟經道興

天人同其願

縹緲入大乘

因心立福田

靡靡法輪升

七祖生天堂

我身白日騰

大道洞玄虛

有念無不契

鍊質入仙真

遂成金剛體

超度三界難

地獄五苦解

悉歸太上經 靜念稽首禮

三禮

臣等至心稽首禮

太上無極大道

<sup>臣</sup>等至心稽首禮

三十六部尊經

臣等至心稽首禮

玄中大法師

重稱法位

具位臣某等謹重伸上啓

太上無極大道元始天尊太上大道君太上  
老君十方已得道大聖衆至真大帝天帝三  
十六部尊經玄中大法師土府太皇地下五  
帝三天大法師正一人三界官屬應感真  
靈伏聞玄化宣行道風遐布惠周三界恩溥

歸三

五

羣生盟威懸佐國之科靈寶著懺祈之品凡  
有祈向克獲感通弟子其以跡處塵寰未參  
幽妙而卜築之所居止非宜竊慮忤犯真靈  
違越禁忌乖八宅五行之候虧陰陽刑德之  
方既切憂疑願申祈謝是用肅嚴壇墀精按

典儀虔備香花恭修齋直歸心十極懺罪諸  
天依正一法文天師具格謁請三五官屬天  
君吏兵禳却凶邪解銷災咎臣謹為其上請  
無上高倉君都曹正氣君素車白馬君考召  
君運氣解患守宅君天上咎逆君廣司君北  
城詔命化喻謀議君天心刺史從事平天君  
無上太和君收神上明君上元士君蓋天大  
將軍無上天君赤天倉氣君四胡君制地君  
天昌君五鎮大將軍主為某家解除三丘五  
墓地下衆精月食土氣百病惡逆盜賊耗害

刑殺凶殃之氣五瘟百病刑禱精邪四方破  
射五部兵獵房廟呪詛衆考諸妖之屬及五  
行復注之氣留停藏匿之神積世流殃行年  
災厄十二刑害中外彊殫一切凶神咸從銷  
解其有運材捷石動土興工犯天地正神乖  
陰陽真氣侵傷土府違忤神明幽顯旣殊常  
情罔測因今悔謝並乞蕩除即使正氣宣行  
龍神安鎮災殃殄絕福善來臻居止安寧動  
靜和泰親緣族屬同沐利貞七祖生天三途  
清晏九幽罷對長夜開光寃債和平謀議潛

息伏尸故氣滯魄幽魂俱荷福緣各蒙開泰  
捨邪歸正契道通真

帝祚遐長生靈昭暢普天全濟蠢動沾榮上  
明

天尊廣濟之澤下副臣衆等懺謝之誠謹啓

第三

六

以聞

發願

一願乾坤明素

二願氣象清玄

三願聖人萬壽

四願化洽八埏

五願天垂甘露

六願地發祥煙

七願四時應候

八願萬物生全

九願家多孝悌

十願國富才賢

十一願齋功廣被

十二願善瑞日臻

復爐

香官使者左右龍虎君侍香諸靈官當令臣

行香之所自然生金液丹碧芝英百靈衆真  
交會在此香火爐前令臣學道得道求仙得  
仙齋主受福幽顯沾恩十方仙童玉女接待  
蘭煙令臣所啓之言速達徑御

太上無極大道虛無自然金闕玉陛下



出戶

太上黃籙齋儀卷之二十五

歸三

共  
18

